

Педагог кадрлар аттестацияси якунлари

Таълим сифатини ошириш жараёнида педагог кадрлар салоҳияти ва улар меҳнатини рағбатлантириш ишлари муҳим ўрин тутди. Мазкур жараённи янада такомиллаштириш ва педагог кадрлар салоҳиятини ошириш ҳамда уларга тегишли малака тоифаларини бериш ишлари мамлакатимиз узлуксиз таълим тизимида жорий этилган бир қатор норматив-ҳуқуқий ҳужжатларда ўз ифодасини топган.

Давлат тест марказининг асосий вазифаларидан бири сифатида узлуксиз таълим тизимида банд бўлган педагоглар, профессор-ўқитувчилар таркиби ва раҳбар ходимларни аттестациядан ўтказишни ташкил этиш ва амалга ошириш белгиланган.

Давлат тест маркази ушбу асосий вазифани бир қатор норматив-ҳуқуқий ҳужжатлар асосида амалга ошириб келмоқда.

Вазирлар Маҳкамасининг 2005 йил 21 декабрдаги “Халқ таълими ходимлари меҳнатига ҳақ тўлашнинг такомиллаштирилган тизимини тасдиқлаш тўғрисида”ги 275-сонли қарори асосида умумий ўрта таълим муассасаларининг педагог кадрлари касбий фаолиятини рағбатлантириш ишлари бажарилмоқда.

Аттестация жараёнларини мувофиқлаштириш ва назорат қилиш, аттестация комиссиялари иш натижалари таҳлили ҳамда улар фаолиятига тегишли баҳоларни бериш ишлари олиб борилмоқда. Шунингдек, педагог кадрларга аттестация натижаларига кўра ўрнатилган тартибда малака тоифасини бериш тўғрисида белгиланган шаклдаги сертификатлар топширилмоқда.

Педагог кадрларни аттестация ўтказиш тартибига кўра аттестация комиссияси тақдим қилинган ҳужжатларни ҳар томонлама кўриб чиқиб, педагог кадрларнинг меҳнати самарадорлиги – таълим олувчиларни тайёрлаганлиги, таълим олувчилар ва аттестациядан ўтувчиларнинг туман, шаҳар, вилоят, республика, халқаро кўрик-танловлар, фан олимпиадалари ва турли мусобақаларда эришган ютуқлари; ўқув фани бўйича малака синовлари – дипломида кўрсатилган тайёрлов, таълим йўналишлари, мутахассислик (ихтисослик)лар бўйича давлат таълим стандартлари ёки давлат талаблари мазмуни асосида ўтказиладиган тест, ёзма ёки ижодий иш натижалари; чет тиллар, компьютер техникаси ва ахборот-коммуникация технологиялари, шунингдек ижтимоий - сиёсий билимига оид суҳбат якунлари бўйича тегишли қарорларни қабул қилади.

2016 йилда Давлат тест маркази ва Халқ таълими вазирлиги томонидан халқ таълим муассасаларининг олий ва биринчи тоифали педагог кадрлари ва шу малака тоифаларига даъвогарларнинг малака синовларида 53455 нафар педагоглари қатнашган.

1-жадвалда 2016 йилда ўтказилган халқ таълими тизимидаги давлат умумий ўрта таълим мактаблари педагог кадрлари аттестацияси натижаси ҳақидаги таҳлилий маълумотлар келтирилган.

Республика миқёсида аттестацияда иштирок этган халқ таълими тизимидаги педагог кадрлар бўйича маълумотлар таҳлил қилинганда куйидагиларни кўришимиз мумкин:

- олий малака тоифали педагог кадрларнинг (жами: 2052 нафар) 84 фоизи малака тоифаларини сақлаган бўлса, 16 фоизи эса биринчи малака тоифага тушган. Бунда нисбатан юқорироқ натижалар Қорақалпоғистон Республикаси, Тошкент шаҳар ва Фарғона вилоятлари педагогларида кузатилди. Уларда мос равишда 91.3, 95.6 ва 96.7 фоиз педагоглар олий малака тоифаларини сақлаган; Андижон, Қашқадарё ва Сурхондарё вилоятлари педагоглари мос равишда 30.5, 30.2 ва 21.3 фоиз билан иккинчи малака тоифага тушган;

- биринчи малака тоифали педагог кадрларнинг (жами: 15410 нафар) 14 фоизи олий малака тоифасига ўтган, 70 фоизи малака тоифаларини сақлаган бўлиб, 16 фоизи эса иккинчи малака тоифага тушган. Бунда нисбатан юқорироқ натижаларга Тошкент шаҳар, Фарғона вилоятлари ва Тошкент шаҳари эришди. Уларда мос равишда 17.4, 18.8 ва 19.7 фоиз педагог кадрлар олий малака тоифасига ўтган. Жиззах, Навоий ва Сирдарё вилоятлари педагог кадрлари мос равишда 74, 76.2 ва 77.3 фоиз билан малака тоифаларини сақлаган. Андижон, Қашқадарё ва Сурхондарё вилоятлари педагог кадрлари мос равишда 22.9, 22.1 ва 19.3 фоиз билан иккинчи малака тоифага тушган;

- иккинчи малака тоифали педагог кадрларнинг (жами: 35993 нафар) 17 фоизи биринчи малака тоифасига ўтган, 57 фоизи малака тоифаларини сақлаган бўлиб, 26 фоиз мутахассис малака тоифага тушган. Бунда нисбатан юқорироқ натижалар Жиззах, Бухоро вилоятлари ва Тошкент шаҳарида кузатилди. Уларда мос равишда 19.6, 19.9 ва 31.1 фоиз педагог кадрлар биринчи малака тоифасига ўтган. Бухоро, Наманган ва Жиззах вилоятлари педагог кадрлари мос равишда 59.6, 60 ва 80.4 фоиз билан малака тоифаларини сақлаган. Қорақалпоғистон Республикаси, Қашқадарё ва Самарқанд вилоятлари педагог кадрлари мос равишда 34.1, 35.4 ва 31.8 фоиз билан мутахассис малака тоифасига тушган;

- мутахассис малака тоифали педагог кадрларнинг (жами: 20721 нафар) 91 фоизи иккинчи малака тоифасига ўтган, 9 фоизи эса малака тоифаларини сақлаган. Бунда нисбатан юқорироқ натижалар Жиззах, Хоразм ва Фарғона вилоятларида кузатилди. Уларда мос равишда 99.8, 98.4 ва 97.7 фоиз педагог кадрлар иккинчи малака тоифасига ўтган. Қашқадарё, Тошкент вилоятлари ва Тошкент шаҳар педагог кадрлари эса мос равишда 22.9, 26.4 ва 15.1 фоиз билан малака тоифаларини сақлаган.

1-жадвал

Халқ таълими тизимидаги давлат умумий ўрта таълим мактаблари педагог кадрлари аттестацияси натижаси
ҳақидаги таҳлилий маълумотлар

№	Худуд	Аттестацияга жалб этилганлар	Сертификат тарқатилганлар	Олий малака тоифа		Биринчи малака тоифа			Иккинчи малака тоифа			Мутахассис малака тоифа	
				сақлади	тушди	ошди	сақлади	тушди	ошди	сақлади	*тушди	ошди	*сақлади
1	Қорақалпоғистон Рес.	5109	4085	116	11	121	484	129	404	1477	974	1343	50
2	Андижон вилояти	5935	5305	194	85	143	1091	366	364	1203	486	1859	144
3	Наманган вилояти	6284	5392	161	27	202	912	183	543	1975	775	1389	117
4	Фарғона вилояти	9898	8472	118	4	316	1158	206	988	3148	1367	2534	59
5	Бухоро вилояти	5493	4890	120	52	232	974	188	537	1605	551	1182	52
6	Хоразм вилояти	7229	6374	379	52	312	1680	323	578	1898	836	1152	19
7	Сурхандарё вилояти	4366	3814	74	20	95	626	172	212	905	467	1710	85
8	Қашқадарё вилояти	7430	5703	152	27	180	1044	347	405	1794	1207	1754	520
9	Жиззах вилояти	2992	2990	78	10	73	574	129	185	759	0	1182	2
10	Навоний вилояти	4221	3686	118	17	126	677	85	420	1266	483	977	52
11	Самарқанд вилояти	6567	5173	57	8	141	681	154	459	1912	1107	1761	287
12	Сирдарё вилояти	1736	1445	28	4	17	167	32	162	515	269	520	22
13	Тошкент вилояти	4932	3922	65	3	128	526	81	507	1612	651	1000	359
14	Тошкент шаҳри	1984	1727	62	10	66	237	32	307	512	168	501	89
Жами:		74176	62978	1722	330	2152	10831	2427	6071	20581	9341	18864	1857

* Мутахассис малака тоифасига эга педагог кадрларга сертификат берилмайди.

Давлат тест маркази бош экспертлари
Ш.Т.Сабилов, У.А.Нурманов